



Број/Број: 04/05-50-134-10/13  
Сарајево/Сарајево, 18.01.2013.

### **ИНФОРМАЦИЈА**

s 58. годишње konferencije Parlamentarne skupštine NATO-a,  
održane u Pragu, od 9. do 12.11.2012.

U radu 58. годишње konferencije Parlamentarne skupštine NATO-a, održane u Pragu, od 9. do 12.11.2012., učestvovali su: Milorad Živković, predsjedavajući Delegacije, Asim Sarajlić i Božo Ljubić, članovi Delegacije Parlamentarne skupštine BiH u Parlamentarnoj skupštini NATO-a,

#### **09.11.2012.**

Članovi Delegacije PS BiH posjetili su Ambasadu Bosne i Hercegovine u Češkoj Republici gdje ih je ambasador Nediljko Bilić upoznao sa radom Ambasade, aktuelnim stanjem bilateralnih odnosa između dvije zemlje kao i nizom drugih pitanja koja su karakteristična za sagledavanje odnosa dvije zemlje i regiona u cjelini.

Održan je sastanak sekretara delegacija, sa sljedećim dnevnim redom:

1. Upoznavanje s planom rada 58. годишње konferencije,
2. Informacija o rezultatima sastanka sekretara delegacija koji je održan u Talinu, 28.5.2012.,
3. Informacija o pripremljenim materijalima za potrebe održavanja 58. годишње konferencije,
4. Informacija o rasporedu rada komiteta,
5. Priprema za održavanje sastanaka i konferencija PSNATO-a u 2013. godini
  - proljetno zasjedanje PSNATO-a, Luksemburg, Luksemburg, od 17. do 20.5.2013.
  - годишnja konferencija PSNATO-a, Dubrovnik, Republika Hrvatska, od 11. do 14.10.2013.,
  - sastanci u 2013. i 2014. godini
6. Saradnja delegacija i Međunarodnog sekretarijata PSNATO-a.

U popodnevnim satima održan je i sastanak članova Delegacije PSBiH na kojem je razgovarano o programu rada 58. годишње konferencije i zaključcima sa sastanka sekretara delegacija. Dogovoren je način praćenja rada i učešća u radu Komiteta.

#### **10.11.2012.**

Rad 58. годишње konferencije odvijao se prema utvrđenom planu. Održani su sastanci političkih grupacija konzervativaca i kršćanskih demokrata, Alijanse liberala i demokrata i grupacije socijalista prije početka rada komiteta. Na sastancima su razmijenjena mišljenja o temama koje su predviđene za raspravu tokom годишње konferencije.

Članovi Delegacije PSBiH učestvovali su na sjednicama:

- Komiteta za civilnu dimenziju sigurnosti,
- Komiteta za odbranu i sigurnost,

### **Komitet za civilnu dimenziju sigurnosti**

U radu Komiteta učestvovali su Milorad Živković i Asim Sarajlić.  
Sjednicom Komiteta predsjedavao je Lord Jopling (UK).

Tokom zasjedanja Komiteta je raspravljano o zaključcima proljetne konferencije PSNATO-a koja je održana u Talinu-Estonija.

O prijedlogu amandmana na rezoluciju o Demokratskoj tranziciji na Srednjem Istoku i Sjevernoj Africi govorila je Ulla Schmidh, SR Njemačka. O rezoluciji Demokratija u istočnom susjedstvu izlaganje je imao Lucio Malan (Italija).

O naučenim lekcijama „Arapskog proljeća“ i implikacijama na euro-atlansku zajednicu govorio je Hamed Abdel-Samad, a o stanju žena u „Arapskom proljeću“ prezentaciju je imala Bochra Bel Haj Hmida, bivša predsjednica Udruženja žena Tunisa.

Tokom rasprave u Komitetu vođena je rasprava o NATO naporima u implementaciji Rezolucije UN 1325 o rodnoj ravnopravnosti.

### **Komitet za odbranu i sigurnost**

U radu Komiteta učestvovao je Božo Ljubić.  
Sjednicom Komiteta predsjedavao je Joseph A. Day , predsjedavajući (Kanada).

Dr. Alexandr Vondra, ministar odbrane Češke Republike je prezentirao odbrambene prioritete Češke Republike nakon NATO Samita u Čikagu.

Raspravljano je o prijedlogu rezolucije “Afganistan – poslije 2014.“, izvjestilac Sven Mikser.  
O ulozi NATO u borbi protiv pirata prezentaciju je imao admiral Christian Canova.

## **11.11.2012. godine**

Članovi Delegacije PSBiH učestvovali su na sljedećim sjednicama:

- Komitet za civilnu dimenziju sigurnosti,
- Komitet za odbranu i sigurnost,

### **Komitet za civilnu dimenziju sigurnosti**

U radu Komiteta učestvovao je Milorad Živković.  
Sjednicom Komiteta je predsjedavao Lord Jopling (UK).

Nastavljena je rasprava o prijedlogu amandmana na rezoluciju o Demokratskoj tranziciji na Srednjem Istoku i Sjevernoj Africi o kojoj je prvi dan govorila je Ulla Schmidh, SR Njemačka. O rezoluciji Demokratija u istočnom susjedstvu raspravu je sublimirao i zaključio Lucio Malan (Italija).

### **Komitet za odbranu i sigurnost**

U radu Komiteta učestvovali su Božo Ljubić i Asim Sarajlić.

Nastavljena je rasprava o prijedlogu rezolucije “Afganistan – poslije 2014.“, izvjestilac Sven Mikser. Na kraju zasjedanja su obavljani izbori u podkomitetima i Komitetu.

## **12.12.2012.**

Održana je plenarna sjednica PSNATO-a.

Plenarnoj sjednici prisustvovali su Milorad Živković, Asim Sarajlić i Božo Ljubić, članovi Delegacije PSBiH u PSNATO-a.

Tokom plenarnog zasjedanja izlagali su:

- Dr Karl A. Lamers, predsjedavajući PSNATO-a,
- Anders Fogh Rasmussen, generalni sekretar NATO-a i predsjedavajući Sjevernoatlantskog vijeća,
- Milan Štech, predsjednik Senata Parlamenta Češke Republike,
- Miroslava Nemcova, predsjednica Predstavničkog doma Parlamenta Češke Republike,
- Petr Nečas, predsjednik Vlade Češke Republike,
- Filip Vujanović, predsjednik Crne Gore,
- Božo Ljubić, predsjedavajući Predstavničkog doma PS BiH, (Izlaganje u Prilogu br.1)
- Mikheil Saakashvili, predsjednik Gruzije
- Nikola Grueski, premijer Republike Makedonije

Učesnicima Plenarne sjednice obratio se Božo Ljubić, predsjedavajući Zastupničkog doma PS BiH koji je u svom izlaganju govorio o aktuelnoj političkoj situaciji u Bosni i Hercegovini, realiziranju programa saradnje Bosne i Hercegovine i njenih institucija sa NATO te raspoloženju građana prema NATO.

Učesnici u radu plenarne sjednice postavili su veliki broj pitanja generalnom sekretaru NATO Rasmunsenu o stanju u Libiji, Siriji, Egiptu i Avganistanu kao i angažovanju NATO snaga u tim zemljama. Tokom plenarnog zasjedanja usvojena je Deklaracija o podršci tranzicije u Avganistanu, Deklaracija o stanju na Srednjem istoku i Sjevernoj Africi, Deklaraciju o pomoći narodu Libije te Deklaraciju o Cyber sigurnosti.

Nakon navedenih izlaganja izabran je novi predsjedavajući PSNATO-a Hugh Bayley (Ujedinjeno Kraljevstvo). Isto tako, imenovano je i pet potpredsjednika NATO PS.

Novoizabrani predsjedavajući PSNATO-a prezentirao je prijedlog aktivnosti PSNATO-a u 2013. godini.

Usvojen je budžet PSNATO-a za 2013. godinu.

Prijedlozi rezolucija su usvojeni i time je zaključen rad 58. godišnje konferencije PSNATO-a.

Informaciju sačinio:

Željko Grubešić

PREDSJEDAVAJUĆI DELEGACIJE  
dr. Milorad Živković

